

上垂祐使之然也

沈瑩供養老君驗

吳興沈瑩宿奉至道常供養老君於越州剡縣市中有居第時
草寇裘甫起自農畝聚集凶徒奔突縣邑素無武備官吏奔駭
甫因據有縣城詔徵陳許鄭滑淮浙徐泗之軍以討之八道天
軍圍城以攻之海內久無兵戈居人不識征戰師至之日皆潛
竄村落瑩倉惶鎖其外門而逸士馬既至瑩誤鎖小童一人在
舍中卻回將開門則營幕施列不敢窺犯而去其後或勝或敗
兵勢不常市肆半被焚熱或逆徒所據或家軍所收十餘月日
方至誅殄罷兵之後瑩所居六七間扁鐻如常籬垣完備及開
道藏輯要

雲笈七籤
十三

五
井集六
六

鐻小童安然問其故云門閉之後有一童子青衣年可十三四
云老君令與其嬉戲良久引去一大宅內得飲食果實食啗了
卻與童子爲伴遊戲如半日頃即聞老君令其添香纔炷香了
即聞開門之聲瑩入門時香煙未歇問其鬪戰火燭鄰里焚繞
驚怕之事一無所聞是則十月戰爭比鄰灼熱如同頃刻殊不
覺知列肆併焚其家獨在非大聖神通之力孰能及於此乎瑩
亦自此棲心玄門探真慕道將有長往之志尋離鄉邑莫知所
之只領此童而去

姚鵠修老君殿驗

台州刺史姚鵠因遊天台山天台觀命於講堂後鑿崖伐木創